

ditati sunt inania; exposuerunt Apostoli Act. 4 per gentes, gentiles, & per populos, Iudæos intelligentes.

II. Quoniam confirmata est super nos misericordia eius: & veritas Domini manet in æternum.

Ratio laudandi Deum est, quoniam misericordia Domini stabilita est per aduentum Messiae super gentes, & super Iudæos. Fundata enim est Ecclesia, aduersus quam portæ inferi non præualebunt, & constitutum est Regnum, cuius non erit finis. Nec solùm misericordia confirmata est, sed etiam veritas promissionum adimpleta, in æternum amplius non mutabitur.

PSALMVS CXVII.

Titulus, & Argumentum.

Alleluia.

Psalms hic de Davide exponi potest ad literam, ut facit Sanctus Ioannes Chrysostomus; tamen conuenit etiam toti populo Christiano, cuius figuram Dauid gerebat; & hanc expositionem persequitur S. Augustinus. Canit autem tum Dauid, tum populus Dei, multa beneficia Dei, sed illud potissimum, quo Christum lapidem angularem extulit in summum adificium, ut duos parietes conuideret, & conuideret. quod factum est in die Resurrectionis. & ideo Eccl. sic canit hunc Psalmum in Dominica die ad Primam: & verba illa ex hoc Psalmo, Hac dies, quam fecit Dominus, exultemus, & letemur in ea. Resurrectioni applicat, & per octauam Pascha frequentissime cum iubilo canit.

EXPLICAT. PSAL. CXVII.

I. **C**onfitemini Domino quoniam bonus, quoniam in seculum misericordia eius.

Inuitat Dauid omnes ad laudandum Deum. & rationem reddit, quoniam bonus. nihil breuius, nihil grandius dici po-

tuit; nam solus Deus proprie, & simpliciter bonus est, & nihil iure laudari potest, nisi bonum. addit, Quoniam in seculo misericordia eius, ut ostendat ab effectu, Deum esse bonum, ac per hoc etiam laudabilem. Nam bonitas Dei, nulla in re magis cognosci potest à miseris, quam in misericordia. Misericordia enim nos creauit, misericordia redemit, misericordia protegit, misericordia coronabit. ita usque in seculum misericordia eius.

Dicat nunc Israel quoniam bonus, II. quoniam in seculum misericordia eius.

Dicat nunc domus Aaron, quoniam III. in seculum misericordia eius.

Dicant nunc qui timent Dominum, IV. quoniam in seculum misericordia eius.

Explicat, qui sint, quos inuitauerat ad laudandum Deum, & nominat primo loco Israel. i. populum Israeliticum, quoniam inde fuerunt omnes Apostoli, qui primi crediderunt, & Ecclesiam inchoarunt. Secundo nominat domum Aaron, quia post Apostolos magna turba sacerdotum obedire cepit fides, ut dicitur Act. 6. denique addit, omnes, qui timent Dominum, quales fuerunt omnes gentiles, qui crediderunt, & Ecclesie iam inchoate se adiunxerunt. Itaque totam Ecclesiam ex Iudæis, & gentibus collectam inuitat ad laudandum Deum.

De tribulatione inuocaui Dominum, V. & exaudiuit me in latitudine Dominus.

Incipit declarare materiam laudis diuinitæ. quod in angustia positus cum esset, inuocaui Dominum, & Dominus continuo exaudiens, posuit illum in latitudinem; opponit enim pulcherrime angustias latitudini, Ego, inquit, de tribulatione inuocaui Dominum, id est, cum essem in tribulatione, siue in angustia, ut sonat vox hebraica, inuocaui Dominum, id est, non merita mea iactaui, non conquestus sum, quod iniuste

Q999 3 pate-